

Headline	UPM lahirkan usahawan tani		
MediaTitle	Utusan Malaysia		
Date	02 Jan 2019	Color	Full Color
Section	Mega	Circulation	112,050
Page No	29	Readership	336,150
Language	Malay	ArticleSize	660 cm ²
Journalist	N/A	AdValue	RM 13,044
Frequency	Daily	PR Value	RM 39,133



DR M. IQBAL SARIPAN (belakang sembilan dari kanan dan Dr Abdul Shukor Juraimi (belakang, lapan dari kanan) bersama bekas graduan seluruh negara yang berjaya pada program Inkubasi Usahawan tani Serdang baru-baru ini.

UPM lahirkan usahawan tani

PROGRAM Inkubasi Usahawantani dalam kalangan graduan merupakan salah satu agenda Universiti Putra Malaysia (UPM) dalam memberi pendedahan kepada pelajar universiti berkenaan dan universiti awam terhadap dunia keusahawanan.

Sejak dimulakan pada 2012, tujuan program tersebut selari dengan hasrat kerajaan bagi melahirkan graduan yang bukan sahaja cemerlang dalam bidang akademik tetapi juga berkebolehan, berdisiplin, kreatif dan berinovasi serta mempunyai ciri-ciri keusahawanan yang cemerlang.

Program tersebut bukan sahaja mendapat sokongan Kementerian Pertanian dan Industri Asas Tani sebagai satu kesinambungan kepada program Kelab MyAgrosis tetapi turut mendapat sokongan dana Kementerian Pendidikan.

Menerusi kerjasama tersebut, bermakna semua ahli kelab MyAgrosis daripada semua institusi pengajian tinggi awam anjuran kementerian berkenaan dikehendaki mengikuti

program berkenaan sebelum mereka memulakan perniagaan terutamanya yang berkaitan dengan pertanian.

Timbalan Naib Canselor UPM, **Prof. Dr. M. Iqbal Saripan** berkata, program tersebut berjaya melahirkan pelajar yang berdaya saing dan memiliki keazaman untuk berjaya sebagai peniaga.

"Tahun ini kesemua peserta berjaya menamatkan program dengan jayanya dengan sebanyak 10 daripada 27 peserta telah menubuhkan syarikat perniagaan dalam pelbagai bidang pertanian," katanya ketika berucap merasmikan Majlis Penutup Program Inkubasi Usahawantani di Serdang baru-baru ini.

Tambah M. Iqbal, walaupun enam bulan tersebut merupakan satu tempoh yang sukar untuk mengekal dan menarik minat pelajar, namun mereka berjaya melaluinya.

Ini kerana percaya walaupun bidang perniagaan merupakan satu cabang yang berisiko tinggi, namun banyak jutawan dilahirkan dalam bidang

tersebut.

"Satu pencapaian yang boleh dibanggakan untuk dikongsi bersama terutamanya siswazah dalam bidang pertanian.

Ini sekali gus menandakan kejayaan UPM sebagai pilihan satu peratus universiti terbaik di dunia berbanding 30,000 universiti lain," jelasnya.

Tambahnya, program tersebut berjaya melahirkan usahawan dalam kalangan graduan khususnya dalam bidang pertanian selaras dengan hasrat kerajaan untuk menambah bilangan usahawan muda pertanian.

"Program sebegini bukan sahaja melahirkan usahawan sebaliknya turut membuka peluang pekerjaan kepada masyarakat sekeliling," jelasnya.

Sementara itu, Dekan Fakulti Pertanian UPM, **Prof. Dr. Abdul Shukor Juraimi** berkata, program tersebut melepasi sasaran asal dengan berjaya melahirkan sebanyak 55 peratus usahawantani.

"Sejak program dimulakan, sebanyak 305 peserta berjaya membuka perniagaan sendiri. Ini sekali gus membuktikan program ini mampu menyumbang kepada sektor pertanian.

"Kami sentiasa memantau perkembangan pelajar dan bekas belajar serta membantu menyelesaikan masalah mereka sekiranya ada," katanya.

Tambahnya lagi, pelajar yang membuka syarikat perniagaan sendiri itu turut didaftarkan dalam program MyAgros di bawah Agrobank untuk mendapatkan dana pinjaman bagi memulakan perniagaan selain turut mendapat bantuan daripada Lembaga Pemasaran Pertanian Persekutuan (FAMA).

APA KATA MEREKA

Dalam tempoh enam bulan itu, pelbagai ilmu diterima dan tidak menjangka saya jatuh hati pada program ini sekali gus tidak menolak rezeki dalam bidang pertanian.

Apabila di peringkat mempelajari teknik jualan, di situlah saya mendapat keyakinan yang tinggi untuk berjaya dalam bidang ini. Saya tidak akan memandang ke belakang lagi sebaliknya ingin pergi jauh dalam bidang pertanian.

- Pelajar Semester 6, Ijazah Bahasa Asing (Jerman), UPM, Safinur Chin, 29



Setiap hari saya perlu mengulangi rutin yang sama seperti membuang najis, memberi lembu makan dan

aktiviti itu jika tidak dilakukan dengan disiplin yang kuat boleh menjejaskan fokus

- Diploma Perikanan di UPM, Muhammad Fahsy Iskandar Rahman, 25

INFO

Inkubasi Usahawan Tani UPM

- Program dianjurkan sejak 2012 setiap tahun sehingga sekarang dan dilaksanakan selama enam bulan secara sepenuh masa mulai awal Januari hingga akhir Jun setiap tahun.
- Tahun ini sebanyak 27 peserta dalam kalangan pelajar universiti di seluruh negara berjaya menamatkan Program Inkubasi Usahawantani menjadikan jumlah peserta meningkat kepada 305 orang sejak diperkenalkan pada enam tahun lalu.
- Modul yang ditawarkan bagi tahun ini ialah tanaman (*rock melon* secara fertigasi), akuakultur (ternakan ikan tilapia), ternakan (ayam kampung kacukan) dan ternakan ruminan.